



SKONNERT IDEAL AV KRISTIANSUND
v/KARI MOE SUNDLI
Postboks 16 Kongens Plass
6501 KRISTIANSUND N

Saksbehandlar, innvalstelefon

Bjarne Otnes, 71 25 85 75

Dispensasjon for oppsetting av leskur og samlekve i Fugløya naturreservat

Statsforvaltaren i Møre og Romsdal viser til søknad av 02.05.2021. Vi viser også til synfaring og drøftingar 30.04.2021.

Søknaden

Det er søkt om å dispensasjon for å sette opp eit leskur og samlekve for beitande sau på Fugløya. Tiltaka er allereie sett opp på staden der våningshuset på Fugløya sto fram til det brann ned i 2018. Leskuret er sett på delar av ein gamal mur.

Lovgrunnlag

Søknaden er vurdert opp mot gjeldande verneforskrift for Fugløya naturreservat, fastsett ved kongeleg resolusjon 28.05.2010, sist endra 28.04.2016 (FOR-2016-04-28-448).

Etter § 3, andre ledd nr. 3 er det forbod mot m.a. bygningar, anlegg, gjerder, andre varige eller mellombelse innretningar.

Statsforvaltaren kan med heimel i § 48 i naturmangfaldlova gi dispensasjon frå vernereglane for tiltak som ikkje strir mot verneformålet og ikkje kan påverke verneverdiane nemneverdig.

Søknaden må også vurderast etter prinsippa i naturmangfaldlova (nml) §§ 8-12, jf. § 7. Prinsippa omfattar vurdering av kunnskapsgrunnlag (§ 8), føre-var-omsyn (§ 9), samla belastning (§ 10), kostnader for å hindre skade på naturmangfald (§ 11) og miljøforsvarleg teknikk/driftsmetode (§ 12).

Statsforvaltaren si vurdering

Formålet med Fugløya naturreservat er å ta vare på eit område som har særskilt verdi for biologisk mangfald. Øya med omliggande skjer og sjøområde med naturleg tilhøyrande plante- og dyreliv, utgjer ein svært viktig hekkelokalitet for sjøfugl, særleg ærfugl, fiskemåke og raudnebbterne.

I forvaltningsplanen for Fugløya er beiting sett opp som eit tiltak for å hindre attgroing. Samtidig peikar planen på at talet på beitedyr i rugetida ikkje må bli så høgt at trakk skader reir.



Statsforvaltaren legg til grunn at leskur og samleleve er nødvendig for eit forsvarleg sauehald på Fugløya, Sauen går ute heile året, og har behov for å kunne gå under tak ved dårleg vêr og sterk sol/varme så lenge det ikkje er skog som kan tene til slikt opphald. Det er også nødvendig å kunne samle og fange inn sauene ved ettersyn og medisinerings. Det er positivt for skjøtsel-effekten at dyra går ute heile året, og det gjer også at talet på dyr kan haldast lavt og med mindre fare for skade på reir og ulemper for hekking.

Tiltaka er plassert på ei branntomt som er rydda og oppgrusa og ikkje har vesentleg naturverdi. Området ligg også utanfor arealet med ferdselsrestriksjonar.

Ut i frå dette meiner Statsforvaltaren at leskur og samleleve bidrar til å betre forholda for hekking av sjøfugl på Fugløya. Det bidrar også til redusert behov for manuell rydding av vegetasjon. I den samanheng vil vi minne om at rydding av vegetasjon på Fugløya krev dispensasjon frå verneforskrifta. Vi ser positivt på vegetasjonsrydding, og de kan rekne med å få løyve.

Vi reknar kunnskapsgrunnlaget for å vere tilstrekkeleg til å fatte vedtak, jf. nml § 8. Tiltaket er positivt for verneformålet og verneverdiane, og ytterlegare vurdering etter nml §§ 9-12 er ikkje nødvendig.

Vedtak

Statsforvaltaren i Møre og Romsdal gir Skonnert IDEAL av Kristiansund dispensasjon frå verneforskrifta for Fugløya naturreservat for oppsetting av leskur og samleleve som omsøkt. Heimel for vedtaket er § 48 i naturmangfaldlova.

Anna lovverk

Vi gjer merksam på at vedtaket berre omfattar dispensasjon frå verneforskrifta i medhald av naturmangfaldlova. Nødvendige løyve etter anna lovverk må avklarast med rette myndigheiter.

Klage på vedtaket

Partane i saka eller andre med rettsleg klageinteresse kan klage på vedtaket innan tre veker frå det er mottatt. Klagen må vere grunngitt, og skal sendast til Statsforvaltaren. Miljødirektoratet avgjer klagen dersom Statsforvaltaren opprettheld vedtaket. Reglane om klage på vedtak går fram av kapittel VI i forvaltningslova.

Med helsing

Linda Aaram (e.f.)
miljøverndirektør

Bjarne Otnes
fagleiar

Dokumentet er elektronisk godkjent

Kopi:

Kristiansund kommune
Møre og Romsdal fylkeskommune

